

Kalaallit Nunaanni pinerluttulerinermi inatsisip allanngortinneqarnera pillugu siunnersuummut missingiut pillugu Namminersorlutik Oqartussat akuersissuteqarnissaat pillugu inatsisartut aalajangiiffigisassaattut siunnersuut (Illoqarfimmi illuliorfiusimasumi illuinnarsuutinik eqqunngitsumik iginnerup pinerluutinngortinneqarnera, takunnissimasunik illersuinerup annertusinera, inip nakkutilliiffiusup atorneranut piunasaqaatinik iluarsineq il.il.)

(Peqqissutsimut, Isumaginninnermut Inatsisinillu Atuutsitsinnermut Naalakkersuisoq)

Saqqummiussissut

(Peqqissutsimut, Isumaginninnermut Inatsisinillu Atuutsitsinnermut Naalakkersuisoq)

Siullermeerneqarnera

Qallunaanit kalaallinillu Kalaallit Nunaanni inatsisinik atuutsitsinermi suliassaqaarfik ukiumi kingullerni qassiini annertuumik ukkatarineqarpoq. Qallunaat akisussaaffiini suliassaqaarfiit ineriartortinneqarnissaat pillugu, matumanilu ullumimut naleqquttunngorlugu inatsisinik atuutsitsinnermut suliassaqaarfiup nutarneqarnissaa ilanngullugu, qallunaat naalakkersuunik suleqateqarnerup ilaatut siunnersuut manna ilaavoq.

Kalaallit Nunaanni pinerluttulerinermi inatsimmi illoqarfimmi illuliorfigisimasumi aallaasinik eqqunngitsumik iginnerup pilerluutinngortinneqarnissaa inatsisissatut siunnersuutip siullertut siunertaraa, tamanna sakkortuumik pinerlunnerusoq kiisalu politiit malittarisassaannik unioqquitsineruinnaangitsoq, kingornatigut taamaallaat akiliisinneqarnissamik kinguneqartussaq, taamaaliornikkut takutinniarneqarluni.

Takunnissimasunik nalinginnaasumik siorasaarinerit pinerluutinngortinneqarnissaat, isertitsivimmiittussanngortitsilluni nakkutigineqartussanngortitsillunilu eqqartuussisarnerit annertusineqarnerat kiisalu inip nakkutilliiffiusup atorneranut piunasaqaatinik iluarsineq pillugit Kalaallit Nunaanni Eqqartuussiveqarneq pillugu Siunnersuisoqatigiinni oqallinnerit malitseqartinnissaat inatsisissatut siunnersuutip aappaattut siunertaraa.

Taassuma saniatigut pinerluttulerinermi inatsimmi kapitali 33-imi eqqarsartaatsimikkut innarluutillit katsorsarneqartarnerannut inissinneqartarnerannullu kiap akisussaananerik erseqqissaasoqarnissaa kissaatigineqarpoq. Uffa tarnimikkut nappaatilinnik eqqartuussinerit tamarnik peqqinnissaqaarfimmit naammassineqartarnissaat aalajangersakkami massakkut oqaasertaliussani takuneqarsinnaagaluartoq, eqqarsartaatsimikkut innarluutillit eqqartuunneqarnerinik naammassinnineq isumaginnittoqarfinit isumagineqartarnera tamatumunnga pissutaavoq.

Naalakkersuisut taamatut oqaaseqarlutik immikkoortoq Inatsisartunut suliassanngortippaat.